

597 Mäntig Morge.

Guete Morge liebi Chind!
Schön dass ihr all i d Schuel cho sind.
Ich hoff dass ihr`s am Wucheänd
alli so richtig guet gha händ.

Händ ihr gschpielt, chli Ufzgi gmacht?
En Dessert gschlabberet zum Znacht?
Denn no in e Film im Fernseh zappet,
bis es bi euch mit Schlafe klappet.

Aber jetzt isch wieder Mäntig früeh.
Jetzt gäbe mir eus alli Müeh,
dass i de allernächschte Tage
d Lehrerin gar nie ghörsch chlage.
E so wird`s, wänn ihr alle wänd
scho bald mal wieder Wucheänd.

